

Incumbensa Horrer concernent il temp da carenza per anteriurs commembers da la regenza da surpigliar mandats en cussegls d'administraziun

Ils ultims onns hai dà blers cas, nua che commembers da la regenza han surpiglià mandats en cussegls d'administraziun suenter avair terminà lur activitad guvernativa. Per la populaziun è in tal cumportament nunchapibel. Quai vala cunzunt, sche l'interpresa ha survegnì incaricas dal chantun durant la perioda guvernamentala da l'anterior commember da la regenza, ubain sche l'interpresa ha in'otra ferma dependenza dal chantun. Quai fa donn a la reputaziun da las instituziuns grischunas e sveglia senza dubi il suspect da filz u da nepotissem. Quai fa er donn (nungiustifitgadamaïn) a la reputaziun da la regenza en uffizi.

Ils commembers da la regenza èn sutta mess al princip da secretezza. Sche anteriurs commembers da la regenza portan lur enonuschientschas en interpresas privatas sco commembers da cussegls d'administraziun, resultan inevitablamaïn conflicts d'interess. Tranter auter per evitar quests conflicts d'interess survegnan ils commembers da la regenza ina renta da vegliadetgna. La finamira da questa renta da vegliadetgna èsi pia da garantir l'indipendenza dals commembers da la regenza. En il passà èsi sa mussà che la voluntariadad na gida nagut en quest punct.

Las sutsegnadras ed ils sutsegnaders incumbenseschan perquai la regenza:

Da stgaffir la basa legala per introducir in temp da carenza da surpigliar mandats dal cussegl d'administraziun en interpresas che survegnan incaricas dal chantun u che han in'otra ferma dependenza dal chantun. Interpresas ch'eran en agen possess d'in commember da la regenza avant si'activitad guvernamentala ston vegnir exclusas dal temp da carenza. La basa legala po prevair ulteriuras regulaziuns excepziunalas raschunavlas.

Cuira, ils 24 d'october 2018

Horrer, Stocker, Schneider, Atanes, Baselgia-Brunner, Brandenburger, Cahenzli-Philipp, Degiacomi, Della Cà, Deplazes (Cuira), Dürler, Favre Accola, Gasser, Gort, Hofmann, Hohl, Kappeler, Locher Benguerel, Mittner, Müller (Favugn), Noi-Togni, Perl, Preisig, Rettich, Rutishauser, Schwärzel, Tanner, Thöny, von Ballmoos, Widmer (Favugn), Wilhelm, Zanetti (Sent), Spadarotto